

連江縣志

卷一
建置山川疆界氣

101310.28
35
81-70



續修連江縣志序



邑志纂於乾隆五年前令戚公其於山川風土人物
釐然備具洋洋乎巨觀也迄今六十餘年矣夫事有
時而不得爲者前之人不能預爲備也事有處得爲
又值當爲之日者後之人不能諉其責也古之續志
漢八表後漢十志拾遺補闕代不乏人而唐杜佑因
政典增廣而作通典厥後又有馬端臨宋太素魏鶴山輩
踵而續之至今並傳不朽然則作之者難續之者亦不易
也且作之者並非故留缺憾以待後人之補綴而續之者

文

亦非盡屬沽名選事而強爲附益所本無也使旣及是時
又聽其銷蝕灰燼雖後有作者亦茫然無所適從卽或得
之故老遺民一二端差堪記憶而數十年之間所見異辭
所聞異辭所傳又異辭好事者又從而附會之愈久而愈
失其真矣今幸年豐歲稔人飲天和邑吏民亦安余拙
而寢以無事也爰不自揣竊附於戚前令之末爲踵之
增而士大夫之致仕家居者又斷斷輩出請設局於江
書院延詹簿章倣軒先生入主斯席而以次贊勦之成
開帙千百年來之掌故與六十餘載之見聞燦若繁星亦

復絲聯繩貫則余區區之心一慰而可謝其責矣遂綴數
言而付之剞劂

嘉慶十年乙丑春三月既望知連江縣事雲夢李 奉序

卷之二

序文

二

連江縣志卷之首

原叙

宋日隆 邑令

郡邑有志其來尙矣是邑鼎始於晉太康唐爲上縣今爲望邑乃始志於嘉定陶宰武缺不續又六十年湯火焦熬率不暇問適鄙觀陳先生以魁從鎮福唐教明刑清武不苛符不恣紫皂不至於庭昔之焦熬者轉而昇平於是約學正黃岸及許師武輩舉斯志而欲修之邑彥陳澤元起而言曰邑志之修久矣今喜作興以時諸君其有意乎咸曰諾遂置局鳳池網羅遺佚探索幽隱類爲志集若干卷

連江縣志

卷之首

原叙

一

明窻開帙五鄉之山川千年之風景盡在目中矣日隆蜀之眉人也而令於閩閩蜀風馬牛不相及前輩乃以爲同風每竊疑之三載茲邑日文物之盛科饒之勤習俗之儉真與吾眉同昔東坡記遠景樓述近古之俗曰其民聰明材知務本而力作易治而難服守令始至視其言語輒了其爲人其明且能者不復以事試終日寂然苟不以道則陳義秉法以竊議之故不知者以爲難治是邑有焉得不謂之同乎日隆受代雖有期學道之愛不敢少離因書於卷首以自警咸淳壬申中元日書

唐士冠

連江縣志宋嘉定陶宰武所創也咸淳間宋宰日隆增而修之其山川人物風土井社河渠畝澮以至瞻學織悉備載鋟之梓而藏之稽古閣歷年久而弊生焉汶上李侯榮甫來尹茲邑百廢俱興公家之事知無不爲前教諭陳春伯指陳舊事請於省司亟命校正士冠得與直學陳長泰訪求舊本會集耆儒互相訂正今取陶本成邑圖併原序刻於卷首以備參攷延祐丙辰夏五月敬書

咸崱言
邑令

連江縣志

卷之首

原叙

二

嘗攷東漢南陽撰記風俗自是迺各爲書而天下郡邑於是乎有志志者史之餘也昔周之時間胥族師黨正之屬皆得以所書登之於王咸隸於史史弗修則一代之禮樂文章無以表見邑無志則無以審舊制而識賢徽鉅細殊而輕重相等連江建自晉太康間歷時已久邑志之修僅於宋得陶君武於元得李君榮豈乏文雅絢飾吏治哉田賦訟牒期會之紛常足以耗其精而又調遷不時瓜期旋代欲有所興舉輒未遑以去至若邑有魁傑能文之士網羅散軼志在明述獨於臧否之間顧瞻桑梓未敢徑行其

胸臆卒無有奮筆而潰於成者上下交相待而遙遙者竟無其期夫魯史起隱迄哀二百四十二年而已其載筆者又未始無人也乃以人則君尹殊傳以時則夏五不月以爵則子伯乘稱他若文字雕磨豕魚訛謬尤非一而足今連雖褊小自元之後復三百餘年其間沿革廢興盛衰得失與時遞易亦積久漸多而不獲成書可考間嘗質以一二事則已各保所見人自爲辭不勝參互而後得之其在今者乃如此使過此更數十年必有甚焉者卽又何以存文獻爲來者折衷哉歲承乏六載幸值我

連江縣志

卷之首

原叙

三

國家久道化成諸大憲釐綱剔目得以淺薄濫厠筌筭吏民亦安歲之拙而日以無事也吏牘之暇商榷斯舉邑博永定王君司訓同安陳君咸有同志聞邑之前哲私有紀載因廣爲搜索延歸化學博孫君等考求別擇散者貫之舛者正之略者詳之其核定是非斟酌繁簡間叅以末議都爲一編自星土風物國賦邦教下及民情皆燦然具列用補前此之缺畧而連之文獻亦藉是以存夫非余之敢自以爲功也萬物之數鬱極而通今連自有其明備而湮鬱沈晦至三百餘年之久適際乎

昌明之會而一發之理有固然特因而不與違焉爾然由是而舊制聿彰賢徽不泯豈惟後之蒞茲土者得於此考鏡而輜軒旁採下及海邦可以覽此一方之俗是則敬以窮年之勤與諸君相爲紬繹得比古之間胥族黨所書藉手以陳於史氏其亦幸告無罪也夫乾隆五年十月

王子鑑 教諭

連江控三山東北於省會密邇其文物之茂稱望邑焉余以歲之甲寅董教事其地日進諸生而講肄之已而備知政俗與其鄉先正之盛德大業因竊嘆此邦之風淳美而

連江縣志

卷之首

原叙

四

人傑出也越二年將建治以來諸科目臚名氏而匾於堂余曰是必以志徵問之則志乘之闕久矣夫文者事之所以存也國之典章具乎史邑之故實備乎志非惟大端欲舉而小節亦不可遺非惟前憲是傳而時務亦無容略庶乎後之人得所考而知嘗與司訓陳淑齋先生念所以修舉之而力未逮邑侯德清戚公經世宏才蒞連以來政勤事治旣濬河復隄湖五年而諸務就理遂以修志爲任屬余遴諸生中之可分司其事者受裁於邑紳孫先生而於已總其成余欣然以爲愜所志爰與陳先生黽勉贊襄其

間起已未之夏迄庚申秋書成而授之梓蓋精審詳明連
之政俗及其鄉之德業可見者莫不昭乎載筆於以樂公
之賢事皆舉此邦數百年所未舉而重以爲連人幸也抑
不止此昔南豐曾氏宜黃學記調學之中當使天地事物
之變古今治亂之理至於損益廢興先後始終之要無所
不知今連志所備具近在一邑而天下卽此推之也學者
三復於此則所謂不越堂戶而得乎四海九州之遠古今
時事之移出可見於施爲者未必不於此而得況其先正
之盛德大業又皆有以予之資哉然則余旣爲連幸百廢
連江縣志

卷之首

原叙

五

之皆興而因公之力將所藉以成此教事者其尤不爲淺
鮮也已乾隆五年十月

陳鵬南 訓導

古者列國各以政俗爲風太史以時採其謠頌而獻之天
子夫子叙詩首列國風是已後世里歌不升於廟堂而都
會郡邑於是有志亦古者陳風之遺雖制統於一尊而質
文遞易五方之風氣可考而知也連江居會城東北俗樸
茂而戶詩書稱文物之藪余忝爲邑司訓喜與其地諸生
上下其議論間嘗登雲居玉樓諸勝觀日所出洪波無際

島巖如髮又嘗登近郭名山見雲氣出沒中萬家烟靄若無而有江流白練繚繞天外覽其山川之奇其嶽降鍾靈將爲玉樹琪枝丹葩瑤草非人間所恒有退求其邑志而舊板無存卽前此有留心記載者各藏於家又不獲目覩俯仰太息者久之邑侯戚公以茗水名進士出宰茲邑撫循士民日以和輯然後濬河渠修湖隄以次舉行不倦於勤又念一縣之文獻繫乎志毅然以纂修爲已任乃搜括遺書取故家中所手錄藏本相印証與司鐸王先生共商權亦以謬徵予得贊末議族收駢錄補其偏正其訛邑紳

連江縣志

卷之首

原叙

六

孫先生爲之釐定詮次諸生中有分閱者校對者以攸佐之竭經歲精神始得書成付梓余愧謏劣無能爲役然樂公之志有成且有以見山川靈異所都其中所包含孕畜者厚也夫連之縣志自元至今殘缺二百有餘年矣其間事蹟湮沒不傳者何限一旦微顯闡幽昭若燭鏡猶之籠珊瑚於鐵網躍寶劍於豐城似有數存焉而不可以遏闕者

聖朝大化翔洽漸於海嶠連邑久已喁喁向風復得是志後之覽者景行前徽博洽物情來秀超乘而前符采彪郁

蔚然皆華國之選矣豈不盛哉公吏治業有成績不時內
擢銓衡若履承明著作之庭出是志以相質中有可採擇
者史臣珥筆而書之亦足以潤色太平則是志也寧第爲
一邑風俗之書也歟乾隆五年十月

連江縣志

卷之首

原叙

七

歷朝修輯志書姓氏

志書舊本雖年久漫滅不可復見而因時起事蒐網舊聞者相沿而傳其姓氏猶可得而詳焉唐以前未有成書至宋嘉定間知縣事陶武實始纂修踵而興者咸淳間知縣事宋日隆也其時任修輯者侍省進士縣學正黃岸侍省進士郭美而太學進士黃辰潘方春迪功郎學正顧遇龍修職郎縣丞彭王容迪功郎主簿趙興溪縣尉徐重望與有勞焉元則延祐間得縣尹李榮纂修唐士冠直學陳長泰諸人前明嘉靖間署知縣唐桐

連江縣志

卷之四

歷朝修輯姓氏

八

國朝順治間署知縣趙國琳亦嘗悉心焉然皆剝蝕銷磨文獻不足越乾隆五年知縣戚敬言教諭王子鑑訓導陳鵬南痛懲其失悉力搜求維時邑紳士則有歸化教諭孫發曾力任總輯而叅閱則福安教諭黃家權佐之任分輯者貢生孫澄吳如臯吳鵬舉武舉林鴻廩生鄭昕趙季植增生陳元壯周夢采陳鳳舉也若校讐之力得於廩生楊方壽章春泰增生周朝宗孫嶠登生員鄭宗沆孫詔陳作霖陳朝選熊蔚起諸人今得彙而書之庶無湮於後云

志書職事題名

總修

知

縣

事李奉

署

知

縣言尙焜

儒

學

教

諭何其章

儒

學

訓

導葉文舟

總輯

原

任

詹

事

府

主

簿

章朝棻

叅閱

連江縣志

卷之首

一

原

任

昭

平

縣

知

縣

邵德占

原

任

東

阿

縣

知

縣

周拱宸

副

榜

貢

生

林占芳

分輯

舉

人

熊

夢占

恩

貢

貢

生

楊廷岳

歲

貢

貢

生

楊龍標

副

榜

貢

生

陳希曾

舉

人

林

鵬超

舉

人 孫道翼

舉

人 章朝樞

舉

人 陳肇英

校對

增

生 林培成

生

員 鄭為康

生

員 孫謀

監

生 周搏

貢

生 陳會治

連江縣志

卷之首

二

庠

生 王朝安

生

員 游春臺

生

員 吳鋌昌

貢

生 王振聲

採訪

廩

生 陳兆文

生

員 陳芳梯

生

員 陳宗璉

連江縣志目錄

卷一

建置

山川

附 嶺 峯 巖 洞 石 嶼 礁
溪 浦 港 碑 泉 池

疆界

附坊表

氣候

分風候 潮候

風俗

附歲時

卷二

城池

附 街 巷 衙 隄 土堡
寨 關 鎮 臺

連江縣志

卷之首

目錄

公署

附廢署 倉儲 驛遞 雜項公所

田賦

分戶口 歲役 田畝屯附貢賦 地丁
屯雜 起運 存留 餘款 兵餉

卷三

水利

分湖 塘 圳 埧 井

津梁

物產

兵制

附較場

卷四

廟學

附齋舍 書籍 祭器 田租

書院 附田租

壇廟

卷五

職官

名宦

卷六

人物 上 先憲

卷七

人物 下 文苑 循良 節概 隱逸 內行
鄉行 寓賢 大年 方技

連江縣志

卷之首

二

藝文

卷八

選舉 附廕襲 封贈

宅墓

卷九

列女 分 貞女 烈女 殉婦 壺行 閨秀
節烈 節孝

卷十

古蹟 分 碑刻 磨崖刻 帖本附

寺觀

續修縣志事宜

一本志舊分土地人民政事三總目其實三者相因古蹟宅墓何嘗無人民學田地租何嘗非土地未必一一確屬也今不另立總目庶免頭上安頭之病

一星野之說本不可執揚州分屬牛女自吳越以至閩粵同占者也連於閩中又太倉一粟何野之可分耶本志於此條從畧但於氣候一門帶叙以爲緣起

一志山川者只宜考其形勢脈絡不必闌入宅墓寺觀等項以各項皆有專門自能詳晰附註也文山雖累土所

連江縣志

卷之首

凡例

爲但稱名已古又爲學官屏衛義當特書前志附載於廟學可畧之

一各志皆以郵遞附公署謂文移往來斥埃相望皆公物也本志舊分公署郵置而二之餘復錯見民兵中未免繁襍今併歸公署一門他如倉儲及前朝廢署普濟育嬰等項繫屬於公者均附焉

一舊志以田畝分屬土地戶口分屬人民歲役賦貢又屬之政事然照丁徵役因田定賦動輒相連不宜隔別卷帙反令閱者眯目也宜倣各志專立田賦一門總滙入

各項而以度支終之庶幾同條共貫

一條鞭一門已經遞裁餘散見度支舊本所載特空名耳
陳陳相因可不贅錄

一本志廟學舊分九門中如 文廟崇祀志諸儒崇祀志
乃考也非志也但叙事詳明處殊不可易此兩條宜分
行附註於文廟兩廡位號之後不必著為篇目至 崇
聖祠名宦鄉賢祠則總入廟學

一壇壝祠宇各有禮儀可以附註且亦便於披覽至如迎
春元旦霜降冬至等禮則附見歲時禮儀門可不存

連江縣志

卷之首

凡例

二

一惠政莫大於 國恩凡遇 恩免糧米及遇災蠲賑之
數皆當首先恭紀以弁冕於賦貢之上考舊志惠政始
倉儲而終義塚果但如此款項不難附之公署何必另
立惠政一門夫泯膏誌於民隱而掌故寄於吏胥豈前
度修輯時戶總櫃書遂爾顛顛了事耶可發一喟

一舊志不立碑碣一門而山川下著有刻石一段自唐宋
以迄元明別蘚磨巖古香不滅今皆摘出附於古蹟其
有前此蒐網未經者茲亦廣搜以資勝覽

一科名孝義坊表當分別在邑在鄉附見疆界其以節烈

外教

禠事

分

灾異

寇變

叢談

連江縣志

卷之晉

目錄

三

得旌表者卽於列女名下紀載坊表門刪

一 民兵中屯田宜附田賦至寺租卽隨註於各寺觀之末以便稽查例準學租書院租各項歸款不必另編况托鉢乞食墨者生涯無庸覩縷也

一 本志列女品隲詳慎而名媛才女闕焉弗備宜增修以昭彤管

一 本志物產一門多採唐宋人韻語古人著作如林汎覽者自能識之不必借資於志且志亦非徒矜博雅也其有鄉先生題詠粲然成篇者存之搜羅所得者錄之

連江縣志

卷之首

凡例

三

一 宅墓一門本志只載生於連葬於連者生於連而不葬於連如鄭所南者不載也不生於連而葬於連如鄭漳劉礪劉嘉言者不載也義例深爲未愜義當增補至亭榭別業存先輩之流風餘韻雖蕪圯亦所不遺

一 本志儒墨門戶太嚴故於寺觀一門遺漏甚多然畫景詩材正爲我輩點綴耳所有應補者俱編入

一 舊志分四十七門今悉心檢閱散者合之繁者簡之約共二十六門修成之日依然孫弁石先生原書也

一 分纂雖分門別類然各項中如鄉行中俞總之應入先

憲山川中王志之應入內行諸如此類不一而足或彼增而此減或彼棄而此收皆叅核斟酌期無乖於義類而止

一前人謂作史不採家乘爲一闕然遙遙華胄稱名則是數典則非必欲攀條附葉葛藟已無本根况炳諸簡冊乎至於事實昭彰而前手所遺者補錄可也

一因人存詩因詩存人選家體例乃後人於祖父之作存一首則錫等百朋削一首則辱同三禡甚且以多爲貴賣菜求益殊屬無謂至於目下名流鴻章辱示舉座皆

連江縣志

卷之音

凡例

四

驚固宜登錄而子雲少作之悔吾人尤不可不慎也若銅臭亦擲金聲者例在必屏




連江縣志

卷之首


連江縣誌

周朝宗原篆


前印壹百伍拾部
多有錯訛茲覆加
校勘再行印刷
後集以此本為正



城池圖



文廟圖





連江縣志

卷之四

文廟圖

四

縣圖





連江縣志


卷之首

縣圖

五



書院圖



連江縣志

卷之首

學圖 書院圖

六

俯生傳天樞寫

